

# Gij Saenq Caeu Youq Ndaw Doengjdaiz

Aen daizsaw daxboh miz aen doengjdaiz daep suj ndeu. Haemhhaemh daxboh cungj hai aen doengjdaiz daep suj de, naengh youq henz daizsaw haenx mbouj rox nyaengq gijmaz, gaenlaeng caiq cuengq doxgaiq haeuj ndaw doengjdaiz bae suj hwnjdaeuj. Mbatmbat ndaejnyi gij sing daep suj de, ndaw sim gou cix lumj deng moed raih nei, humz dangqmaz.

“Boh ha, mwngz caeu gijmaz doxgaiq ndei youq ndaw doengjdaiz haenx ne?” Mwh gou gig siengj rox ndawde miz gijmaz, gou couh cam daxboh. Hoeng daxboh mbouj naeuz gou nyi, han gou: “Ndaw neix dwg gij laepndaw gou.”

Caj daengz ngoenzseng gou seiz, gou gangj naeuz: “Gou miz gienh saeh ceiq muengh gubhaenz ndeu, couh dwg gou siengj rox ndaw doengjdaiz daxboh dauqdaej caeu gijmaz doxgaiq!” Daxboh dingq le riunyunyum, daj ndaw daeh mbon fag yaekseiz doengjdaiz, cuengq youq ndaw fwngz gou.

Gou naep seiz haeuj conghsuj bae baenq, ndaejnyi “gada” sing ndeu, aen doengjdaiz de couh hai ndaej lo. Gou rag doengjdaiz okdaeuj, yawjraen aen habbingj loq gaeuj



doz dwg AI guh

nde. Gwnz habbingj haenx veh miz duz youmui ndeu, de gaenq doiqsaek gvaq, hoeng lij riuhehe coh gou— Mwh gou doeg youwzyenz, gou ceiq haengj aen doz youmui neix.

Byaifwngz gou ngamq lax daengz aen fahabbingj de, sim gou diuq vaiqvut, lumj miz duz douq ndeu youq bakaek gou saet nei. Gou menhmenh biengj aen fahabbingj haenx hwnjdaeuj, raen ndaw hab daeb miz neb saenq ndeu. Gou fan yawj gij saenq neix, raen gwnz byuksaenq cungj veh miz doz, fukfuk doz cungj lij

doxdoengz: Miz doz gou baez daih’ it veh dou sam boux; miz doz duzyou gungjlungz, gou ndaejgeiq duz gungjlungz neix dwg baxboh baez daih’ it soengq yougungjlungz hawj gou; miz doz veh diuz heuj daih’ it gou lawh……

Gou hai fung saenq cuengq youq ceiq baihgwnz de, gij saw haenx dwg daxboh sij: “Lwg gou, ngoenzneix dwg ngoenzseng mwngz, gou muengh mwngz itcig haisim! Doenghij saenq neix cunnj dwg gou sij hawj mwngz, gou ngoenzngoenz cungj sij saenq

hawj mwngz, geiq gij saeh mwngz.”

Yawj sat, gou caiq hai lingh fung saenq yawj—

“Ngoenzneix dwg ngoenz daih’ it mwngz bae doeg siujhag. Gou ndwn youq gwnz yangzdaiz, raen mwngz aemq daehsaw bae hagdangz, gou sawqmwh roxnyinh boux lwgnyez ak daej de majhung lo……”

“Mbatneix mwngz nohndat, gou umj mwngz bae yawj canghyw, mwngz gaem gokbuh gou ndaet dangqmaz, caegcaeg naeuz gou nyi: ‘Boh, gou miz di lau.’……”

“Mwngz hag gwih danci laemx, gyauejhoq naeng lot lo, in dwk raemxda yaek doek roengzdaeuj bae. Mwngz lij cang ak naeuz: ‘Gou dwg bouxsai, gou mbouj daej ha!’……”

Gwj yawj gwj yawj, raemxda gou lai dwk hawj gou yawj mbouj raen dem lo. Yienzlaiz ndaw doengjdaiz neix, caeu le gij saenq daxboh sij hawj gou, de caegcaeg geiq le haujlai saeh caeuj gou mizgven.

Rumz menhmenh daj rog cueng ci haeujdaeuj, daiq daeuj le heiqrang gaugyaec, mup hwnjdaeuj vansubsub, ndaw sim gou caemh raeujruprup.

(Yiz San’anh raiz  
Veiz Munlingz hoiz)



doz dwg AI guh

Bat go’ mbawna ndaw rug, aenvih mbouj miz ndit ciuq, mbouj miz fwn rwed, ciemhciemh reuq lo. Couh lumj gou hag diuqcag, mbouj ginggvaq lai baez haglien haeuq daezswng, couh rox daengz byongh couh vut, baenzlawz hix mbouj ndaej gubhaenz.

Gou lienh diuqcag mwhhaenx mbouj ngaih geijlai, cungj roxnyinh gig nyapnyuk. Baeznduj, mwh gou gaem diuz cag raez, ndawsim gig ngeix mbouj doeng. Gou song da mbouj yaep dwk yawj diuqcag haenx, diuz de youq gyang fwngz daxmeh vaiqvud veh ok gij gien geq mbouj rox liux, daxmeh lumj dwk fap hawj de nei, diuqcag unqniekniek haenx yaepda couh miz sengmingh lo, miz rengz lo, bienq ndaej youh dingqvah youh manz. Daxmeh hawj gou ciep aeu diuqcag ndaw fwngz de. Gou lauyiyi nyaeb diuqcag hwnjdaeuj, diuqcag bingzbingz ciengzciengz neix dwg baenzlawz gagrox diuq hwnjdaeuj ne? Gou roengzrengz dauqngex gij din fwngz caeuq gij saenzcingz daxmeh, lumjnaeuz cij aeu mbouj lot fwngz couh ndaej vad bae vad dauq. Gou yungh rengz baez vad, diuqcag daj baihlaeng vad daengz baihnaj, gou haenqrengz baez diuq, hix mbouj rox gizlawz miz gyaecugyan(vwndiz), “bap”

sing ndeu gou gvihlaemx youq gwnz namh, song fwngz daeux youq gwnz namh in ndaej manhadsad, gou hozndat dwk vut diuqcag deuz, ndaenq dwk raemxda roengzbyoegbyoeg.

Miz vah naeuz “deng duzngwz haeb gvaq, raen gohaz hix lau”. Gou aiq dwg lau diuqcag neix lo, gvaqlaeng youq gwnz hozdunggo, dou da yawj diuqcag neix cix mbouj gamj haeujgyawj, cigdaengz dingqnaeuz “doenggeiq sam hangh” doxdax aeu beij diuqcag. gou cij naemj : Mboujne gou caiq sawq baez ndeu. Doengzhag bouxboux daeuj gujli gou, gou youh gaem hwnj diuqcag diuqcag. “Sien vad caiq diuq, sien vad caiq diuq”, gou doq damz, doq yaengyaeng dawz diuqcag vad bae baihnaj. “Youh diuq mbouj gvaqbae!” Gou gag damzboedboed. “Mbouj youqgaenj, caiq sawq baez dem ba!” Doengzhag raen gou mizdi doeknaiq, gujli naeuz. Couh yienghneix gou sawq baez ndeu, song baez, sam baez…… Youq laj ndithaemh, duzngaenz iqiq baez hwnj baez roengz saet dwk, singriu lumj singlingz nei cienz doh ndaw hagdangz.

Youh gvaq song ngoenz, doengzhag heuh gou itheij diuqcag, gou angqfwngfwng dwk dapwngq lo, hoeng sim diuqbubbub. Doengzhag

## gojbeij

### Faggvak Caeuq Aendaengq

□ Liengz Fungh/梁 锋

Faggvak dwg boux ak gaenx guhhong ndeu.

Ranz de mboujlnh bouxlaux lwgnyez, daj iq couh gaenx guhhong. Mboujlnh cin hah cou doeng nditndat fwndoek, cungj bae guh hong mbouj daengx gvaq. De ciengzseiz geiq coenz vah ciuh bouxlaux bouxgeq naeuz—Gaenx mbouj fat goj miz, gik mbouj dai goj iek; cawzcin mbouj guh hong, cawzdoeng couh gwn rumz…… Ndigah, ranz de gaiqgwn rim cang, gwndaenj mbouj heiq gvaq. De lij ciengzgeiz son lwglan doeg saw……

Aendaengq dwg boux ceiq gik ndeu, yiengh maz goj mbouj ndaem, daengx bi mbouj bae guhhong gvaq! Lau ndit lau fwn, lau naiq lau dai. Ndaw ranz ciengzseiz mbouj miz haeux roengz rek, ciengzseiz naj mbouj aeu bae ranz faggvak cam gwn.

Ngoenzneix, de youh yaek bae ranz faggvak cam gwn lo. De byaiej daengz henz ranz faggvak, couh dingqnyei faggvak son lwglan de doeg saw naeuz:

“Miz naz mbouj raeq ndaw mbung hoengq,  
Miz saw mbouj doeg lwglan vaj;  
Cawzcin sam nyied mbouj roengz goeng,  
Cib it ndwenlab couh ndoet rumz.  
……”

Aendaengq dingq le, couh mbouj miz naj caiq byaiej haeuj ranz faggvak bae cam gwn lo.

fwngz rag diuqcag, heuh gou ndwn daengz doiqnaj de: “Raeuz guhdaih diuq ba. Gaej lau, gou heuh diuq raeuz couh itheij diuq.” Gou ngaekngaek gyauej, mbouj gamj yawj coh diuqcag, hix mbouj gamj yawj coh lwgda de. Laepda haeujsim bae dingq de geqsoq: “It, ngeih, diuq!” Gou haenqrengz baenz saet, “mbouj laemx, gou gvaq lo, gou rox diuqcag lo!” Gou angq dwk hai song da, got dawz doengzhag baenqgien hwnjdaeuj, youh angq dwk

laebdaeb diuqcag, “It, ngeih, diuq! It, ngeih, diuq……” Lau dwg gij raemxda gikdoengh myoxmywd song da, gou raen diuqcag diuqcag gaenq bienqbaenz duzdoengz, hopheux youq henz ndang gou.

Gou dawz go’ mbawna ndaw rug senj daengz ndaw suenva bae, aenvih gou rox, cij miz ginggvaq rumz ci fwn rwed, sengmingh cij bienq ndaej hoenghfwgfwg.

(Dangh Yezlinz raiz Yiz Ciz hoiz)